

ELYO YESU AISHILE NO KWITA



Yohane Washila, chapitala 11, ukutampa pa versi 18, Nde fwaya ukubelenga.

Nomba Betany yali mupepi na Yerusalem, nalimo ba mailoshi bibili ukufumako:

Kabili nabengi abamuba Yuda baishile kuli Malita na Maria, ukubatalalika ukulola kuli ndume yabo.

Nomba Malita lilya linefye aumfwile ukuti Yesu aleisa, aile nokuya mukumanya: lelo Maria aikele shilili mung'anda.

Nomba Malita atiile kuli Yesu, Shikulu, amuba kuno, ndume yandi nga tafwile.

Lelo Ine ninjishiba, ukuti na nomba, conse ico mwalaipusha... Lesa, Lesa alecipela cena kuli imwe.

Yesu atiile kuli ena, ndume Yobe alabuka nakabili.

Malita atiile kuli ena, Ine ninjishiba ukuti ena akabuka nakabili munshita yakubuka mubushiku bwakulekelesha.

Yesu atiile kuli ena, Nine kubuka, kabili... umweo: uyo uwacetekela muli ine, nangu ena afwa, lelo akaba no mweo:

Kabili na onse uuli no mweo kabili acetekela muli ine takafwe. Bushe iwe naucetekela ici?

Ena atiile kuli ena, Ee, Shikulu: Ine nincetekela ukuti iwe niwe Kristu, u Mwana wakwa Lesa, uyo ufwile ukwisa mwi sonde. (Kabili moneni ico!)

Nomba lintu ena alandile ifyo, ena aile munshila yakwe, no kuya itta Maria nkashi mubumfisolo, atiile, Shikulu naisa, kabili alekwita iwe.

² Natupepe. Taata wamu Myuulu, shininkisheni ifyo i Fyebo ku mitima yesu, munshita ino iya bushiku, ilyo twalolela pali Imwe nomba. i Cebo Cenu, umubomfi Wenu, ne sambililo, fyonse fyabikwa kuli Imwe, mwi Shina lyakwa Yesu Kristu. Ameni.

Kuti mwaikalako.

³ Ubwiminishi bwandi ubwakuba pano kwesha ukwafwilisha abantu bakwa Lesa. Te mukupepa ngefyo, kabili nokubika amaboko pa balwele, lelo icakuti bena bengeshiba Yesu Kristu pakati kesu, u Mwana wakwa Lesa pakati kesu. Ifwe tulelanda munshita ino iyabushiku pali iili sambililo: *Elyo Yesu Aishile No Kwita.*

⁴ Nomba pali ino nshita ilyo tulelanda pali ico, yena yali ni nshita yabulanda. Nga mwabelenga ilyashi lya kale mu mweo wakwa Shikulu, tulesanga ukutila Ena aali ni Cibusa wakwe umukalamba kuli uyu umulumendo, Lazaro. Ena aali... Panuma yakufumapo ukwakwa Yosefu, nangu, Ena alifuminepo no kwisa mukwikala pamo na Malita, Maria, na Lazalo. Kibili bena baali niba cibusa abakalamba. Bena baali... Ena aali kwati ni kakumba kuli bena, u—u mwine mwine Cibusa. Kibili bale Mupangila utuntu utunono utwakufwala, ikoti lyakufwala, Nincetekela, efyo bena balelanda, kibili lyena lyapangilwe ukwabula umulundo. Kibili nomba bena bali Mucitile ifintu, pantu bacetekele muli Ena. Cena cali bena—bena balicetekele kibili balimwene ico. Bafumine mu chalichi, nefyaba ngefyo, uku Mukonka. Kibili ico caali icintu icikalamba muli bulya bushiku, ico icalifye icakukanda kwa mfwa, uku—ukufumako kuli ico.

⁵ Lelo, Yesu, uyu Umulumendo uwaleya aleshinguluka nga fintu bena balelanda, aleonaula ama chalichi, no kulalandia ifintu ifyabipa palwa bashimapepo babo, kibili—kibili ne fyaba ngefyo, Ena alicitile—Ena alicitile ububi ubukalamba nganshi kuli bena, bena efyo batontonkenye. Kibili—kibili ukulandapo pali Ena cena kuti ca—caba uku—ukubikwa kunse ye synagogi. Kibili nomba ngawafuma kunse ye chalichi, bena—bena batontonkanya ukuti iwe tawakwete inshi—inshita ya kulubulwa. Nga cakuti iwe tauli umo uwa mwibumba lyabo, ngaba Faliseo, aba Sadduke, nangu icintu cimbi, ta kwaliko ubulubulo nga cakuti iwe wali kunse ya ico. Kibili nga cakuti balikwete insambu, imfungulo, kibili bena kuti bakutamfyafye nga balefwaya. Iyo eyali imilandile yabo. Eco Yesu alandile ukuti, “Imwe, mu ntambi shenu, mwalilenga i Cebo cakwa Lesa ukukanabomba.” Mwamona?

⁶ Kibili nomba cena calibwekelapo nakabili, pantu bonse twalishiba ilyashi lya kale lila ibwekeleshapo palwa liko imiku iingi. Kibili cabulanda ukulanda, lelo cena calisesemwe ukubwekelapo, kibili efyo cacita nakabili.

Tulesanga ukuti Yesu tabale mutontonkanishisha icisuma.

⁷ Imiku iingi, abantu bafwaya ukupingula umuntu uyo uwakana ukusuminishanya nabo. Ifwe tatufwile ukucita icamusango ngoyo. Ifwe kuti twafilwa ukusuminishanya umo no munankwe, lelo tube ababucibus. Nga cakuti Nakana ukusuminishanya no muntu, twalilila ukumutemwa ena kibili nokumupepelako ena, kibili ube uwakukana suminishanya nankwe pa... bwiminishi bwa Malembo, kibili pakuba kwaba ukwishesha bwino, nomba teti Nande nangu cimo kuli ena. Ine lyonse kuti natemwa ukukana umfwana na ena, muli bucibus, pantu Nali mutemwa ena, kibili Ine—Ine icine cine teti mfwaye ena ukuluba. Kibili na ena afwile acita icintu cimo cine kuli ine; tatulefwaya ifwe ukuluba. Kibili tufwile ifwe ukubika

amatontonkanyo yesu paco i Cebo calanda. Lekeni i Cebo cibe ica cine. Te masambililo yesu nangu ifyo amatontonkanyo yesu yengaba, lelo ico Ena alanda; tebupilibulo bwapambali, kano fye ico i Cebo calanda.

⁸ Ubushiku bwafumineko, Nacitile icintu cimo kabilis camoneke icabukapepa mupepi, Nde cetekela cena cali pa mwikulo bwaba shimapepo mu lucelo lomo. Nabikile Yesu mukweshiwa. Natile, “Nga fintufye bena bacitie lilya, efyo naleelo bacita.” Limbi kuti caba icisuma nga cakuti Na cibwekeleshapo pakashita akanono, nga cakuti twaciba nenshita. Nomba, Natile, ileelo tulesanga ukutila...

⁹ Mukucinja ukukalamba ukwakwa Luther, ena, munshita yaico, ena atile abalungami bakekalila ku cicetekelo. “Umuntu uyo uwacetekela, ena, alicikwata Ico.” Lelo twasangile ukutila abengi pali bena batile balicetekela, kabilis tabacikwete Cena.

¹⁰ Munshiku shakwa—shakwa Yohane Wesley, nga cakuti bawkata amapalo yacibili, bacitile, ukushila, ukushila ukutuntulu, bena baleba nensansa nokubilikisha. “Bonse balebilikisha, ukutila balikwete Ico.” Lelo basangile ukutila taba Cikwete. Abengi balebilikisha, kabilis taba Cikwete.

¹¹ Inshiku sha Pentecosti, batile, “Nomba ukubwekehiwapo kwa fyabupe nafisa, ulubatisho lwa Mupashi. Ena uyo uwalandila mundimi, na Cikwata.” Twasanga ukutila abengi balandile mundimi, kabilis taba Cikwete.

¹² Nomba batila, “Ukuba, icisabo ca Mupashi, ifyo Cena caali.” Oh, iyo, te cisabo ca Mupashi. Scienci yabena Kristu yalikwata ico, apo tekuti... Ukutemwa ecisabo ca Mupashi. Nomba, kabilis nga fintu bena bawkata ukutemwa ukucila umuntu onse, kabilis nokukana bu Lesa bwakwa Yesu Kristu; mule Mwitafye kasesema, muntu yawe yawefye. Mwamona? Eico ico tacicita ico.

¹³ Lekeni njipushepo pali ico pakashita akanono. Lekeni tubike Yesu mu kweshiwa. Kabilis munjeleleko mwe Lesa pali ukukulanda, ukufuma kuno kucintamba, lelo Nalaba uwaku Mulwisha pakashitafye akanono, pakumiletafye ku Lubuuto. Mwamona?

¹⁴ “Nomba Ni nkwata abantu babili pano munshita ino iyabushiku; Nde landa kuli imwe. Ine...” (Cili mubushiku bumbi, lintu Yesu waku Nazaleti aali pesonde.) “Naisa kuli imwe, ukuti tukalulushanye bonse pamoi naimwe ukulwisha uyu muntu, Yesu waku Nazaleti. Nomba bonse twalishiba ukuti Lesa kutemwa. Baibele yalandia ukuti ifyo Ena efyo aba. Cisuma, kabilis nokutemwa, u Mupashi ukokola ukukalipa, wabufuke, walitekanya, wabupete, kabilis nafimbipo, nokutemwa. Nomba kuti Nalanda ukuti, Ndefwaya ukumwipusha icintu cimo. Twalabula ico—ico twaishiba, umwina Kristu.

¹⁵ “Lolesheni pali uyu shimapopo wenu umukalamba. Icikolwe cakwe icikalamba-icikalamba-icikalamba-bawishikulu bakwe baali ba shimapopo. Ena aali nokufyalwa mucitoto ica bena Levi, pakuba bashimapopo. Tulesanga ukuti, nomba, ena talimo mubwikashi bwa mulumendo nga fintu imwe bambi mwacitile. Cinshi ico acitile? Aipele bulilambo palwakwe umwine, ena alebafye palya ukubelenga i Cebo, i Cebo cakwa Lesa. Ena alecipitulukamo, akasuba no bushiku, akasuba no bushiku, aali nokwishiha icilembo conse ica ciko, ishiwi lyonse mumufungilo. Aali nokulishiha no mutima. Ena—ena, ukwishihafe icintu cimo palwa ico cena afwile aishiha.

¹⁶ “Kibili nomba, ukulundapo pali ico, lintu bawiso nabanoko baleupana, ninani uwabofishe pamo ngo mulume no mukashi? Shimapopo wenu uwabulesa umukalamba. Ninani aishile kuli bawiso lintu baali mukukabila kibili balikwete inkongole palya pebala lyabo, ukutila abankongole baali nokulipoka? Nibani baiminine nabo? Nishimapopo wenu umukalamba uwaluse. Ninani kulubali lwabanoko mumuputule kulya lintu balekufyala iwe? Shimapopo wenu umukalamba uwaluse. Ninani esa kuli iwe lintu ulwala nokukabila? Shimapopo wenu umukalamba uwaluse. Ninani wakupalile nokukubika kuli Lesa, kibili nokukusembulula mubushiku bwalenga cine konse konse? Shimapopo wenu umukalamba uwaluse. Lintu bawiso nabanoko baali mupepi nokulekana, ninani uwababwesesh pamo, ukubekatanya capamo? Shimapopo wenu umukalamba uwaluse. Lintu paba ubwafya pabenpa mupalamano, ulukalulwila lwena ninani? Shimapopo wenu umukalamba uwaluse. Icine cine.

¹⁷ “Nomba uyu shimapopo umukalamba uwaluse alishiba ukutila Baibebe yalande ukuti Lesa akabila suku suku wampaanga ukupelwa ilambo. Mwebengi imwe mwebantu muli bashimakwebo, eico imwe tamuteeka impaanga, libe Lesa afwaya impaanga. Bena bapangile utunteba kulya, umo baleshitisha impaanga shabo pakuti ba—ba shimakwebo kuti baya kulya nokushita shena, ukupeela ilambo pa myeo yabo, ifyo Lesa akabila.

¹⁸ “Cinshi ico ico uyu mulumendo umwaice acitile, uwitwa Yesu? Nikwisa uko ena afuma? Batila ena afyalwa, ukufyalwa muli nacisungu. Ninani uwatala umfwapo icintu ico icabulamo amano? Twalishiba ukuti nyina wakwe amukwete ninshi ena na Yosefu talafyalwa, nangu, ena na Yosefu tabalaupana, ena alifyelwe. Nomba twasanga ukuti ena—ena alikwete ishina ilibi, mukubalilapofye.

¹⁹ “Bushe citupa cabumembala nshi ena akwata? Nga ena aali umuntu wabulesa, libumba nshi ena ayampanya nalyo? Lintu shimapopo wenu alebelenga, alebelenga, alebelenga, alebelenga, ukuti eshibe ico Cebo; uyo ena aisa, ukonaula ico ena akuula. Kuti waita ico ukuba ‘Lesa’? Icine cine iyo.

²⁰ “Nomba, ubushiku bumbi, lintu shimapopo wenu apangile cilya icifulo palya, i...kabili apo imwe mwingshita ilambo, cinshi ico uyu umwaice uulumendo acitile? Uluse? Ena aumine, akakile intambo pamo, ulushishi, nempapa, kabili ukulolesha pabantu, no bukali; apanta ukupilibula amatebulo yalya, nokuboma ukubafumyamo mulya. Kabili mwaita ico ifisabo fya Mupashi, ukubaloesha bena, no bukali? Kabili, lolesheni, ukupusula umuntu inshita yakwe iyakupepa Yehovah! Shimakwebo alefwaya uku Mupepa; ena tateeka basuku suku bampaanga, kabili aile kulya mukushita yena. Kabili Aali lipilibwile, nokubapanta, nokubafulumwina panse.”

²¹ Ninani akwete icisabo ca Mupashi? Um-hum. Mwamona? Eifyo fine. Mwamona, te cisabo ca Mupashi, tekulanda mundimi, tekubilikisha.

²² Mwatila, “ Nomba, Munyina Branham, cakushininkisha nshi? Cakushininkisha nshi?” Icakushininkisha ca Cebo muli ora.

²³ Balikwete Baibele. Ena aali bwino bwinoofye fintu Yehovah atile cili nokucitika. Tacikabila nokupilibulwa nangu panono. Cena calipilibwilwe kulya. Uyo e shimapopo wenu, palya paali fyonsse ifyo bakwete, kabili nafyonse fimbì ifyakonkwa ifyatantikwa nafyonse, lelo libe balifililwe ukumona i Cebo. Kabili Alengele i Cebo ukwikala ica munkulo ilya. Ico ecakushininkisha ica muli ilya munkulo.

²⁴ Luther alikwete icakushininkisha ica nkulo yakwe, Wesley ica nkulo yakwe, Pentecosti ica nkulo yaciko, lelo ifwe tuli munkulo imbi. Ifyo fintu fisuma. Lelo nga akanya, kalikwata umunwe, ilinso, nomona, lelo panuma yanshita kafwile kaba umuntunse. Afwile aba aba u—u mwana uwakula; nomba nokufyalwa, akwata umweo, umubili, umupashi, ukuti aleenda ukuya konse.

²⁵ Nomba twasanga ukuti, fyonsse ifi, Yesu alandile ici, kubanonofye, kuli balyafye Alashike ku Mweo, eba Mumwene. Te mabumba ayakalamba; amabumba Yakwe tayali nga mabumba yakwa Kayafa. Mulandunshi, Kayafa nga alileteli icalo conse. Yesu aitilefye abanono capamo. Tebengi ba Mwishibe. Amakana yamiku ukutamusha namakana, lintu Aishile pesonde, Apitile mwisonde, kabili tabaishe nokwishiba ukuti Ena aali pano.

²⁶ Eico efyo cikaba nakabili! Ali nokwisa kuli abo abaitilwa ku Mweo. Alishiba abaitilwa ku Mweo. Kabili Taka... Wena mulimo Wakwe ukusakamana pali ico.

²⁷ Nomba tulesanga ukuti bena bafumine mu chalichi, kabili bena bali Mucetekele. Fyonse ifyo i Cebo calelanda palwa Ena, efyo Ena aali.

²⁸ Kabili ubushiku bumo Ashile ing'anda yabo. Ndefwaya ukulanda pa fintu fitatu: Yesu alifuminepo; imfwa yalishile;

kabili ne subilo lyonse lyalipwile. Nde fwaya ukulanda pali ifi fintu fitatu pali ba miniti abanono.

²⁹ Yesu alifuminepo aya. Kabili lintu Aile, ubwafya bwalingile. Nomba nga Akusha iwe, nangu ing'anda yobe mulya wikalala, ubwafya ninshi buli mushila yaiko. Satana alikwata iciibi cakwe lintu Yesu afumapo.

³⁰ Alifuminepo aya, kabili lintu—kabili lintufye Acitile ico, imfwa yalishilemo. Kabili lintu Yesu afumapo, imfwa ilesamo. Ukupatuka kuli Ena nimfwa, eico imfwa yaishilemo lintu Yesu afuminepo.

³¹ Kabili imfwa yalipamo na Lazalo. Kabili Umo ulya bacetekelemo nokutemwa, bali Mulaishe ukuti ese apepele Lazalo, pantu bali Mumwene nokwishiba ukuti Alishibe Lesa, ukutila, “Conse cintu, ico Lesa...” Malita alicilangishe cena kunuma kulya, “Conse ico Mwalalanda kuli Lesa nomba, Lesa ali nokucicita.” Alishibe ukuti Ena na Lesa baali Umo. Ena aali i Cebo canshita, eico aalishibe ico. Kabili alishibe ukuti, nga cakuti alanda na Ena, lelo Alifuminepo kabili balifililwe uku Mumona. Kabili ba Mulaishe, kabili mucifulo cakuti Ese, Alundileko ukuya ukutili. Kabili nomba balaishe nakabili, kabili, mucifulo cakuti Ese, Alundileko ukuya ukutili.

³² Inshita shimo tulasunguka umalandu ifyo fintu ficitikila muli uyo musango, lelo bushe Amalembo tayalandu ukutila, “Ifintu fyonse fibombela capamo kubusuma kuli abo abatemwa Lesa”? Aleshiba ico Alecita. Nga cakuti Akokola ukwisa, ico cilifye bwino. Aleshiba ico Alecita. Kwaliko ubwiminishi bumo.

³³ Tulesanga ukuti Atile, muli Yohane Washila 5:19, “Icine, cine, Nde landa kuli imwe ukutila, u Mwana teti acite icntu nangu cimo Palwakwe, lelo kano ico Amona Wishi alecita.”

³⁴ Wishi ewa Mwebele ukufumapo ukuya, kabili ukufumapo panshiku ishingi. Panuma inshiku shafikilishiwe, nomba elyo Alandile fintu Alandile nomba, ukutila, “Cibusa wesu Lazalo asendemefye utulo.”

Kabili ena atiile, “Ukuba, nacita icisuma.”

³⁵ Ena atiile, “Nafwa. Kabili pa mulandu wenu Ndinenansa Ine nshaliko kuno.” Pantu, bena baleesha ukuti bamusende Ena ukuya kuli ena, ukumundapa ena nangu ukulanda icaali nokucitwa. Lelo Aali shibe icaali nokucitika, eico Ena acitile bwino bwino ico Alashikwe ukucita: fumapo kabiye. Mwamona Ena ku nshinshi lintu Abwelele. Ena alangishe ico lintu Ena abwelele no kusanga iyi ng'anda.

³⁶ Isubilo lyonse lyalipwile. Lazalo alifwile. Inshita yonse, bena batwalilifeye ukulatontonkanya ukuti, “Ena limbi kuti aisa abwela. Ena limbi kuti aisa pancende. Ena limbi kuti abwela.” Mukushalikisha, ena afwile, umupu wafumine muli ena.

³⁷ Bafumine panse, bamukanga, bafumishemo umulopa mu mubili wakwe, ba mupomba mu nsalu, babikamo ifyakukosha umubili ifyamaka, noku mukanga no kumulalika mu nshishi, nokubikapo icilibwe pa nshishi, ico ecali ulutambi lwa kushikilamo muli shilya nshiku. Icilindi mu mushili, nangu limbifye mu cilibwe, nokubikapo icilibwe pa muulu waliko, ico ecali ulutambi lwabo.

³⁸ Ubushiku bwakabalilapo bwapita, ubwacibili bwapita, ubwa citatu bwapita, ubwa cine bwapita, umuntu ninshi kale natampa ukubola mu nshinshi. Umona wakwe limbi waliponene nako. Ico, Ndetontonkanya ukuti ecintu cakabalilapo ukuponako, moona. Kibili ninshi kale naboola. Umubili wakwe—wakwe ninshi kale waali bwelelamo ku lukungu, lwa kumushili, nangu ukubwelelamo. Umweo wakwe waali inshikushine pa bulendo ku ncende imo, ukufuma kuli ena.

³⁹ Isubilo lyonse ilya kumumona ena nakabili, muli ububumi, lyalipwile. Kibili lintu isubilo lyonse lyapwile...Bena balilolelele, “Limbi ngakuti Ena aisa mubushiku bwa kubalilapo, ubushiku bwa cibili!” Iyo. Nomba ena afwile, kibili taishile Ena. Nomba ukusakamana kwaishilemo.

⁴⁰ Panuma ya nshita kwaliko umo uwa mwebele ena ukuti, “Shikulu ali panse.” Malita Aile aleenda mu musebo!

⁴¹ Yesu aishile muli ilya nshita yabulanda ilyo isubilo lyonse nalipwa. Ifyo efyo lyonse Ena esa. Mwamona? Ena esafye pa nshita kuli ubulanda ubukalamba, elyo Yesu esa nokumonekela apaali ubulanda.

⁴² Nomba moneni, Ena aishile nokwita Malita. Ukubapo Kwakwe kwaletele isubilo lipya. Te mulandu nangu umulumendo aalifwile, lelo Ukubapo Kwakwe kulaleta isubilo lipya.

⁴³ Iwe kuti limbi waikala napano munshita ino iyabushiku, cibusa wandi, ilyo ba dokota batiile ukuti iwe nacipwa, kwipwa londa, ubwafya bwa mutima. Limbi uuli na mu mupando, uwalemana, scienci yonse islandile ukuti takuli isubilo kuli iwe; ubwingi bwa fyakukosha amafupa na—na bukaka amafupa yobe—yobe—yobe, icakuti iwe ulefilwa no kuyabwesha nakabili. Nangu, limbi umutima obe—obe naubipa nganshi, na dokota atiila iwe uleya pansiha iili yonse. Oh, kibili na mabumba ayakalamba ayabantu abepwa londa ne cifuba Cantanda Bwanga, limbi esubilo lya kulekelesha ilyo ukwete, kibili cilemoneka ukuti dokota nafumyako na mano kuli iwe. Cibe, ukuba Mukubapo kibili mukwishibikwa kwa Kubapo ukwakwa Yesu Kristu, kuleta isubilo nakabili.

⁴⁴ Umuntu umo alanda ne shina kuli iwe. Limbi tawatala ukumfwapo pali lyena kunuma, lelo leka umuntu umo atiile, “Nalishiba ukwaba ico ichalichi, bena bacetekela muli Lesa kibili balapepelako nabalwele,” mukwangufyanya (Nomba,

iwe nauipekanya ukufwa. Mwamona?), isubilo lipya lilema pa muulu. Lyena efyo lyonse licita. Muli ilya nshita yabulanda, ico ciba Lyonse lintu umuntu umo alanda icintu cimo palwa ico, akweba iwe palwakwa Yesu. Ukubapo Kwakwe kuleta isubilo lipya.

⁴⁵ Lekeni cena cicitwe icintu cimo munshita ino iya bushiku, nga fintu cena cacitile mu nshita ya bushiku bwa fumineko. Lintu twamwene cilya i Ceco icashininkishiwa ukucila pa cishingwa cakutwishika icili conse, ico icalangwa no kushininkishiwa ukuti *ukuti* Yesu uyo uwaikele umanda ikana limo na pabula imyaka ya pitapo, uyo uwafwile pa Kalbale, aimine pa bushiku bwa lenga shitatu, kabili amonekele kuli balya basambi no kwisula amenso yabo, kabili no kupanga ubu ubulayo ubwa buno bushiku, ena aali pano pene mu kubapo kwesu nomba, kuti caba icakuleta isubilo pa bantu. Isubilo lipya lilema.

⁴⁶ Limbi umuntu umo atiile, “I chalichi caba kwati calyuma pakashita aka. Tatwatala atukwatapo amenshi ayapya pa—pa—pa myeshi inono. Tatwatala atukwatapo ukupuputulwa. Cilemoneka kwati umuntu onse aali fye uwapelebelia, nangu icintu cimbi icinankwe. Ifwe tuyafye ku chalichi no kwimba ulwimbo, kabili—kabili no kumfwa imbila ishinono kabili noku bwelelamo.” Lelo pakashita mukupumikisha, nomba, linti twatampa ukuma, elyo Yesu aisa mukubapo, utulenga abapya, aleta icintu cimo icipya kuli ifwe. Ena Lyonse aalabapo ukucita ico. Isubilo lipya lisa lintu—lintu Yesu aisamo. Ukubapo Kwakwe kuleta isubilo lipya.

⁴⁷ Ena aalishibe ukutila Ena ewaali cilya i Cebo cakwa Lesa icalangwa. Ena aali mwene ilya nkulo. Nangu, nga cakuti ena tacitile, ena nga alitwalilile ukuba uwa mu Uwacetekekela mu fyantambi. Ena nga alitwalilile ukuba uwa mu chalichi. Lelo ena alimwene cilya i Cebo ica laiwa. Ena aali mwene cilya i Cebo ica laiwa ukulangishiwa na Ena kabili aalishibe ukuti Ena aali cilya i Cebo ica mweo. Kabili lintu aumfwile palwa ico, ena tasakamene bantu banga aba musushishe, cimbi cinshi, ena amukonkele Ena namaka yakwe ingefyo ena engaya. Mwamona? Ena aalishibe ukuti Ena e Cebo icalangwa.

⁴⁸ Takuli ukutwishika lelo cintu ena abelengele ice lyashi lyakale ilya Eliya mubushiku bwakwe. Nomba, ena aali i Cebo cakwa Lesa icalangilwe ica bulya bushiku. Ena aali ni kasesema, kabili ne Cebo cakwa Shikulu cisa kuli kasesema. Kabili mwali umwanakashi mulya, uwakwete umwana umunono uwapelwe kuli ena ukupitila mwipalo ukutila kasesema amupalile nao, kabili aali kwete umwana.

⁴⁹ Ubushiku bumo, ilyo caleyia kuli lebeni koloko, ena limbi akasuba kali musanike. Ena aile mwibaala na wishi wakwe, Baibebe tayalandia ukuti efyo caali, calanda ukuti caali kusanika

kwa kasuba, lelo atampile ukutila, “Umutwe wandi! Umutwe wandi!” ilyo cali muli lebeni koloko. Kibili alikwete umubomfi, wishi ewacitile ico, uku mutwala ku ng’anda. Ena alambalele pa matanta yabanyina mpaka lintu caali mu cungulo, aile alelwalilako alelwalilako mpaka afwile.

⁵⁰ Kibili nomba, mucifulo cakuya mukusabaila, abena.... mupalamano bonse baishile balepunda nokutwalililapo, lelo ulya nyina uwabuula ukusunkanishiwa, umwana wakwe aalifwile, ena amutwele muli ulya muputule unono untu apekanishishe kasesema, nokumulalika pa busanshi mumusango *ulya*. Kibili alandile ku mubomfi, “Mpekanisheni impoongolo, kibili uye uleensha ukuya muli tonta, kibili taufwile ukwiminina kano Nakweba ukucita ifyo.” Oh, owe! Ifyo efyo caali!

⁵¹ Tatukwete inshita iyakupaashanya nokuilishanya. Ici capitite muli bulya bushiku. Na tutwalililepo. Ifwe tufwile twafika kulya. Natukwata icakukabila.

⁵² Kibili eico atiile, “Iwe kabiye ku ntanshi, kibili taufwile ukuleka ukwensha kano Na kweba ukucita ifyo.” Kibili baile mpaka bafikile kuli Eliya.

⁵³ Eliya, pakuba umuntu wakwa Lesa, tekuba nga Kristu; Kristu aalishibe ifintu fyonse, pantu Ena aali ni Lesa. Eliya aali acipandwa cakwa Lesa. Ico caali ni Kristu muli Eliya. Kibili iyo eyaali imbila ya nshita, pantu i Cebo cakwa Shikulu caali ica ilya nshita caali naulya kasesema.

⁵⁴ Yesu ewaali umwisulo wa balya bonse ba kasesema, onse pali bena bena ba ba Mulangishe fye. Epela fye. Munshila yonse ukufuma pali Yosefu, ukufuma pandalamama amakumi yatatu isha museke, konsefye, ena—ena alangishe Kristu. Efyo Mose acitile!

⁵⁵ Davidi ukwikala nge mfumu iyakanwa pa lupili, alelila pantu baali mukene. Imyanda cine konse konse imyaka panuma yaico, u Mwana uwakwa Davidi aikele pa lupili. Uyo ewaali u Mupashi wakwa Kristu muli Davidi kulya. Kibili Ena... Owe! Ena aali fyonse fibili Umushila kibili u Mwana wakwa Davidi. Kibili eico Ena aikele pa lupili, alelila, nge Mfumu iyakanwa, “Yerusalem, Yerusalem, miku inga Ninga misunga, ngefyo nankoko asunga abana.” Ico caali nicinshi? Cena caali ni Kristu kunuma kulya.

⁵⁶ Cena caali ni Kristu uwalelila lintu Davidi alembele ulwimbo, “Lesa Wandi, mulandu nshi Mwandekesesha Ine? Amafupa Yandi yonse, bena balandolesha Ine. Bena balashile amakasa Yandi na mu maboko Yandi. Bena ba akene ifyakufwala Fyandi pakati kabo. Bena bapendwilile pa cakufwala Candi.” Uyo aali ni Kristu uwalelandila muli Davidi. Ico bacilungama. Ena aali ukulangwa kwa Cebo. Kristu aishile mukufkilisha filya fintu ifyo ifya landilwe naba kasesema, pantu i Cebo cali pamo naba kasesema.

⁵⁷ Ena alandile ico mwisambililo munshita yabushiku bwa fumuneko, ukuti Ena aishile mu kufikilisha ico ba kasesema balandile palwa Ena, pantu bena balikwete i Cebo. Kibili Eliya ewali kasesema wakwa Lesa, i Cebo ca bulya bushiku.

⁵⁸ Eico ulya umwanakashi umwina Shunammite aikele naulya kasesema mpaka ena aishile no kulangisha amaka yakwa Lesa, kibili alambalele umwine eka pali ulya mwana, kibili no mwana aali no mweo.

⁵⁹ Nomba Malita alishibe ici, nangula aali uwapamfiwa ukusakamana pa ng'anda, ukusamfyia ifipe nafimbipo. Lelo palya alangishe ifyo aba. Ena alangishe icine cine icaali muli ena. Ena aile mukusenda Ena bwangu bwangu. Nga Lesa aali muli Eliya, Lesa aali na muli Kristu, pantu Alishininkishe ukuti Ewaali ulya Muntu. Ameni. Ine nalitemwa ico, uko ukutwalililapo! Aile kuli Ena. Afwile afika kuli Ena. Kibili asangile ukuti kulya, ilyo afikile kuli Ena—kuli Ena; nomba ibukisheni, aalishibe ukutila Tacinja, ukuti Lesa tatala acinja ubutantiko Bwakwe. Nga cakuti Aali muli Eliya kibili aleimya na bafwa, Ena aali namuli Kristu kibili aleimya nabafwa, nangula Aali talati acita ico, pantu ni Lesa umo wine.

⁶⁰ Nangu Ena ukucinja nomba! Nga fintufye Lesa munshita ino iyabushiku Aali fye filya fine aali. Ena aba cimo cine mailo, ileelo, no muyayaya. Tacinja iyo.

⁶¹ Kibili Aalishibe ukuti ena aalishibe ukutila cena caali muli Ena. Moneni, mu ma minetifye ayanono cena cile shininkisha ico, lintu alandile icintu cimo kuli Ena palwa kwa ndume yakwe, kibili no kutiila, “Shikulu, Ine—Ine nincetekela ukuti Nimwe bene.”

⁶² Kibili Atile, “Nine Kubuka kibili no Mweo. Nangu nafwa, libe aleba nomweo. Kibili onse uwacetekela muli Ine tali nokufwa. NABA.” Uyo nine NABA mucimpusa iclepya, na Mose. “Ndi Kubuka. Ndi Mweo. Nali Icibumba. Ncili Ena. Ndi Kubuka kibili u Mweo. Uyo wacetekekela muli Ine, nangula aali uwafwa, libe akaba no mweo. Onse uli no mweo kibili acetekela muli Ine, tali nokufwa.” Panuma yakushinkisha ukukalamba uko akwete, ukuti Ena e Cebo calaiwa; lintu Alandile ukuti, pakuba Kasesema, tekuti Abepe; eico Ena, lintu Atile, “Naba ifyo NABA. Nine Ena uwaba Ukubuka no Mweo.”

⁶³ Ena atile, “Nincetekela ukuti Niwe wine Umo, u Mwana wakwa Lesa uuifwile ukwisa mu calo. Nangu ndume yandi nafwa, nalala mulya munshishi, ena ali... umubili wakwe naubola nomba; lelo nangu ninomba, conse ico Mwalalandi cili nokufikilishiwa.” Calungama!

⁶⁴ Ico ena alefwaya kumfwa Ena ukulanda ico! Ameni. Oh, Malita, nipesa tuli munshita ino iyabushiku? “Sosenifye i Cebo; umubomfi wandi alaba no mweo!” Umfwenifye Acilanda! Bena limbi balishile nokumweba ukuti Ena ewalandile ico, lelo pano

Aali Umwine eka. O mwe Lesa, isuleni amenso ayapofula, pakuti bena bengamona! Lintu Ena Mukubapo Kwakwe, alanda i Cebo, lyonse cilalangwa.

⁶⁵ Ena atile, “Conse ico Iwe waipusha Lesa, Lesa ali nokucipela kuli Iwe. Lekafye ng’umfwé!” Alefwaya Ena ukulanda i Cebo. Ico ecofyé alefwaya ukumfwa. Ukukwatafyé i Cebo, ico ecofyé ena alekabila, cali kumfwa ukutila Ena Alacita ico.

⁶⁶ Kibili Aali nokucita palya pene, lelo, mwamona, ukupitila mucimonwa cintu Wishi a Mulangishe, Aali nokwiminina lubali panshishi. Oh, owe! Ikatilila icicetekelo cobe! Lesa alebomba fyondse bwino. Cena calabafye bwino. Lolelafye mpaka lintu afikile kunshishi.

⁶⁷ Moneni, ena alefwayaafye ukumuleka Alande ico, nangufye ena aali talati... Isubilo lyonse lyali fumapo, fyondse ifintu. Ena alifwile, alebola namunshishi, lelo alefwaya uku Mumfwa alanda ico, ecofyé alefwaya.

⁶⁸ Nomba lintu Atile, “Nine Kubuka kibili u Mweo,” ena alicetekele ico. Ena alicetekele ico. Nomba moneni, nomba acetekelé icishingacitwa, lintu amumfwile Alanda ukuti, “Ndi Kubuka no Mweo. Nangu aali uwafwa, lelo aleba no mweo, kibili na onse uuli no mweo kibili acetekela muli Ine takafwe.” Atile, “Bushe wacetekela ico?”

⁶⁹ Kibili atile, “Ee, Shikulu, Nincetekela ico. Nincetekela ukuti Imwe muli Mwana wakwa Lesa uuli nokwisa mucalo.” Nacitemwa ico. Nacitemwa ico.

⁷⁰ Na—Na lilandapo ici kunuma. Cena kuti cabwela nakabili nomba. Nalelanda kuli namayo tapapitile inshita, caali chalichi cimo ico Na cilumbula inshita imo iyapitapo, ukutila tacetekela ukuti Ena ni Lesa, Bulesa Bwakwe; Ena ni kasesemafye, umuntu yawe yawe.

⁷¹ Ena aali ico, icine cine. Ena aali ico, ukubikapo nokuba Lesa. Mwamona, Ewali ukulangishiwa. Yesu e mubili, Umulumendo, u Muntu; Lesa ewali ulya uwaikele muli Ena. Lesa aali muli Ena. Ena aali ni Lesa-umuntu. Aali u Muntu, libe Aali ni Lesa uailangishe mumubili. Lintu twamona Yesu, twamona Lesa. Ico eco Alandile ukuti, “Lintu mwamona Wishi... mwamona Ine, mwamona Taata.” Pantu, Ena ekulangisha, pantu Ena aali i Cebo, ameni, ico caali mukutendeka. Ameni.

⁷² Ena atile ba kasesema, “lesa.” Bushe mwalishiba ico? Atile, “Imwe mubeta ‘lesa’ abo abo i Cebo cakwa Lesa cisako. Nga imwe kuti mwa Nsusha shani lintu Natila, ‘Ine ndi Mwana wakwa Lesa?’”

⁷³ Pantu i Cebo cimo cine calanda ukutila Akesa palya, kibili palya epali i Cebo ukulangwa nakabili. Kibili bena batwalilile ukukana cicetekela.

⁷⁴ Uyu namayo atile kuli ine ukuti, “Kuti nashininkisha kuli iwe.” Atile, “Nalitemwa ukukumfwa uleshimikila, lelo kuliko icintu cimo ico ucishamo.”

“Ukuba, cintu nshi ico?”

Atile, “Ulalandia landa nganshi pali Yesu.”

⁷⁵ Natile, “Na subila ifyo efyo Ena talefwaya muli ine lintu Ena akesa.” Kibili atile . . . Natile, “Nasubila ifyo efyofye Engacita, Ena ukusanga icilubo muli ine.” Natile, “Nga Na kwete indimi amakana ikumi, tekuti Nande ukufikapo, oh, owe, ifyo Ena aba!”

Atile, “Lelo, iwe, iwe ula Mupanga ukuba Lesa.”

⁷⁶ Natile, “Ena efyo aali. Nangu, nga Ena taba ifyo, Ena ewali kabeleleka mukalamba untu icalo catala kwatapo.”

Atile, “Ena aali ni kasesema.”

⁷⁷ Natile, “Aali ni Kasesema, ico cishinka: Lesa-kasesema, umwisulo wa Cebo. Kasesema alepokelelafye i Cebo icaleisa kuli ena, ico ecalemupanga ena—ecalemupanga ena ukuba kasesema. Lelo Ewali umwisulo wa cilya Cebo.”

⁷⁸ Kibili atile, “Kuti nashininkisha kuli iwe.” Atile, “Ula Mupanga ukuba Lesa.”

Natile, “Aali ni Lesa.”

Kibili atile, “Teti abe Lesa.”

Natile, “Ena . . . Lelo Aali.”

Atile, “Watile walicetekele Baibele.”

Natile, “Nalicita ico.”

⁷⁹ Atile, “Nalashininkisha kuli iwe, ukupitila muli Baibele yobe, Ena taali Lesa.”

⁸⁰ Natile, “Cita ico. Nga cakutila Baibele yalanda ico, ninshi Nalacetekela ico, pantu Nacetekela ukutila i Cebo caliba icalungama.”

⁸¹ Atile, “Munshila ukufuma kunshishi yakwa Lazaro, uleibukisha ico muli Yohane Washila 11?”

Natile, “Icine cine ndeibukisha, madamu.”

⁸² Atile, “Ukuba, nomba, munshila ukuya, Alililile. Baibele yatile, ‘Ena alililile.’”

Natile, “Icine cie, Baibele yatile Ena alililile.”

Atile, “Kuti Aba shani Lesa kibili ukulila?”

Natile, “Aali muntu.”

“Umuntu nabu Lesa?”

⁸³ Natile, “Ee, namayo. Naufilwa ukumona. Ena aali u—u muntu uwaleya ukulola kulya, alelila pamo nabonse balya abalelila, ico nacilungama, ukumfwa ubulanda pamo nabo

abaumfwile ubulanda. Ena aali muntu. Lelo lintu Afungulwile uunono Uwakwe, umubili ushakosa aimininako, kabili atile, ‘Lazaro, isa fuma,’ kabili nomuntu uwafwile inshiku shine, aiminineko pamakasa yakwe. Ico cacilile pamuntu, ico caali ni Lesa mu Muntu.” Ninani engemya abafwa, kano Lesa? Ena e Kubuka no Mweo! Ico nacilungama.

⁸⁴ Bulya bushiku pali bemba, lintu Aile palya, nanaka, nalalako kunuma ya bwato, apo ifiwa amakana ikumi limo fyalapile ukuti fyena fyala Mubunsha bulya bushiku, kabili nabo bulya ubwato ubunono ubwakale bwaleelela kwati ninkupiko yapebotolo mulya muli bemba wa mwela uukalamba. Filya fiwa fyatontonkenye ukuti, “Twa Mwikata nomba. Nalala; twalabunsha ibumba lyonse.” Oh, Aali muntu, nanaka, lelo lintu abushiwa, Anyantile ulukasa Lyakwe pa mubeya, kabili apunamine mu muulu nokutila, “Umutende, talala,” kabili imyela namabimbi fya Munakile. Uyo aali uwacila pa muuntu.

⁸⁵ Aali umuntu lintu Aali nensala, atentemwike ukwikila pa lupili, alefwaya iciputulwa ca mukate nangu icintu cimo icakulya, nangu umukunyu ukufuma ku cimuti. Lelo lintu Abulile ifipapatu fisano fya mikate nesabi libili, nokulisha amakana yasano, uyo aali ni Lesa muli ulya Muntu. Ico nacilungama.

⁸⁶ Oh, umuntu onse uyo ushaba-nangu-cimo alicetekeli ico, bonse bakalemba bamishikakulo balicetekeli ico. Te cakusunguka umo alembele ati:

Mu mweo Alintemenwe; na mumfwa,
Aalimpuswishes;
Pakushikwa, Asendele imembu shandi ukutali;
Mukubuuka, Aalinungamike ukwabula
amalipilo umuyayaya;
Ubushiku bumo Ali nokwisa, O we bushiku
bwa bukata!

⁸⁷ Eddie Perronet, uyo inyimbo shakwe tashale shitwa. Ubushiku bumo, alepempenuka pe samba lya kusendwa na Mupashi wa Mushilo, abulile akalembelo, ena nokulemba ulwimbo lwakulashikwa, lintu alembele ukutila:

Amaka ayengi yaba mwi Shina lyakwa Yesu!
Lekeni ba Malaika baponye ifinso fyabo
panshi;
Balangishe icisamo ca bufumu,
Ba Mufwike Shikulu wa bonse! (Alleluya!)

⁸⁸ Icine cine, ifyo efyo ifwe twacetekela ukuti efyo Aali. Ee, mukwai.

⁸⁹ Afwile acetekela ifishingacitika nomba, kukutontonkanya kwa nomba kwa bulya bushiku. Eico bushe ufwile wacetekela pafishingacitika, pakumona u Mweo uupya, pakumona icintu cacitika. Lelo nga Alishibe... Amwishibe Ena ukuba i Cebo,

nomba ninshi ifingacitika kuti fyacitika, pantu Ena ni Kabumba, kabilo ali nokwiminina pali fyonse fintu Alanda.

⁹⁰ “Kabili ifintu fyonse kuli abo abengacetekela.” Ico Cebo Cakwe. Lelo ifishingacitikwa filemgwa ukumoneka lintu kwaba ukusumina i Cebo Cakwe Lesa. Ee, mukwai. Lintu kwaba ukusumina i Cebo Cakwe Lesa, ifishingacitika fila—fila lenga ukulangishiwa. Lintu Lesa atile cili nokuba, ninshi uwfile ukusumina cilya Cebo nokucimona cacitika. Cena cine cine cili nokucita.

⁹¹ Lelo moneni, namuli fyonse ifyo, ena atile, “Neliline nomba, Shikulu, conse cintu Mwalaipusha Lesa, Lesa ali nokucita.” Alishibe ukuti kuti asenda cilya Cebo ukufuma kuli Ena. Ifyo efyofye alingile ukucita, kusenda i Cebo. Ee, cali ninshita yakwe iyafitisha, kabilo Yesu aishile nokwita. Oh, we cintu cintu bamwene, ukubuuka!

Natuloleshe pansiita nashimbi lintu iinshita shamfifi shisa.

⁹² Palipo umuntu pansiita imo, uwaleitwa Yobo, umo pali ba kasesema bakale sana mu Baibele. Aali umuntu umukalamba nganshi. Ali—ali temenwe Shikulu, kabilo alicitile fyonse fintu aishibe ukucita. Kabili Satana akabile ukumwesha, eico atile kuli Lesa ubushiku bumo...Ee, Lesa atile kuli ena, nakuba, “Nikwi wafuma, Satana?”

⁹³ Atile, “Oh, na-ciya-nde endauka mumuulu-na-pesamba pe sonde.”

⁹⁴ Atile, “Bushe walitononkanyapo pa mubomfi Wandi Yobo? Takwaba uwaba nga ena pesonde. Ena aliba umuntu uwawililika.”

⁹⁵ “Oh,” atile, “cine, Mulamupela fyonse, ukumucitila fyonse. Mucine, muntu umukalamba. Lelo lekeni nkamwikate inshita imo, Nkacinja inshita. Nkamulenga ena uku Mitiipa, pacinso Cenu.”

⁹⁶ Atile, “Teti ucicite.” Ifyo efyo Acetekela uwacetekela. Mulandunshi? Takwata Impela. Ena Wamuyayaya. Alishibe impela pakutampa. Alishibe ukuti Satana teti acite ico. Pantu, Ena e Cebo, Alishibe fintu Yobo aali nokucita.

⁹⁷ Nomba, ibukisheni, Yobo, amutobawile nefipute, aipaya abana bakwe, asendele fyonse fintu akwete. Ubumi bwakwe bwilibipile. Nabakatalalika bakwe balishile, kabilo tabacitile icintu icili conse lelo ukumupela imilandu uwakuba umubembu wamubumfisolo. Kabili Yobo umukalamba aishileba muncende imo iyo aishileba uwapelelwa.

⁹⁸ Uwfile waba mukupelelwa, intanshi. Uwfile wafika pansiita iyo iwe wafika pampela yanshila.

⁹⁹ Yobo afikile pampela yanshila, lintu atile, “Butipwe ubushiku buntu Na fyelwe. Akasuba kekasanika nokusanika, kabilo umweshi wikabala munshita ya bushiku, ishina liketwa.”

Kabili namukupelelwa, nomba Yesu aishile. Aloleshe pansi, nokutila, "Namona, nga fintu umuntu, iluba lifwa, kabili lilabuuka munshita amabula yatula kufimuti. Nge cimuti capulula amabula, cilesa mukubalula nakabili ukupitila kwakununka kwa menshi." Alamona ifimuti namaluba fyaba ifiyamweo nakabili, lelo atila, "Umuntu alalambalala, aleka umweo, alikwi?" Alishibe ukuti ena aali umuntu umukalamba. Atile, "Abana bakwe balesa nokumulosha, kabili teshiba nangu cimo. Oh, nga kuti Mwamfisa munshishi nokunsungila muncende yafiswa, mpaka ukukandwa Kwandi kwapita. Nsonteleni inshita kabili mbikileni inshita. Twaile . . ." Kabili nokukonkanyapo nga filya fine, ukulanda. Aali pampela, yakupelelwa kwakwe, "Bushe cinshi cingacitika? Amabula yalaba nomweo, yalabwekela mufimuti, amaluba yalabwela nakabili, fyonse ifintu filabwikelapo, lelo umuntu alalambalala nokuleka umweo!" Aali uwapelelwa. Taishibe icali nokucitika kuli ena, kabili na ena nemyaka akwete.

¹⁰⁰ Lintu acitile ico, elintu Yesu aishile. Lesa aloleshe icinso kumuulu, kabili amwene Yesu aleisa munshiku shakulekelesha.

¹⁰¹ Iyo inshita iyamfifi yatola lintu umukashi wakwe atile, "Tipa Lesa nokufwa imfwa," libe ena atile, "We mwanakashi, ulelanda ngo mwanakashi icipumbu. Shikulu alipele, kabili Shikulu alipokolola, lipalwe i Shina lyakwa Shikulu." Nomukashi wakwe alimusengwike. Ichalichi cakwe calimusengwike. Bonse balimusengwike.

¹⁰² Muli ilya nshita yamfifi yatola, lintu taishibe uko alinokuya ukufuma palya, Yesu aishile. Nomba abilikishe, "Nalishiba ukuti Umulubushi wandi wamweo, namunshiku shakushalikisha Akeminina pesonde. Kabili nangu imyambo yamunkanda yaonaula uyu mubili, libe mumubili wandi Nkamona Lesa, Uyo untu Nkamona nemwine." Munshita yamfifi yatola, elyo Yesu esa. Ee, mukwai.

¹⁰³ Mose, pantu Mose, inshita yamfifi yatola yalimufikile mu Israeli. Aalifye mukubomba imilimo yakwe; akumenye Lesa palya pacimpukusa, kabili atile, "INE NINE NABA." Aile pansi nokulwa nokupashanya ukwapusana pusana ukwa kwa Yannsi na Yambre, abaleesa ukupashanya umulimo wakwe. Muli fyonse ifi, aiminine uwacishinka kuli Lesa. Alengele ukuti Israeli ese acetekele. Kabili apa aisa ukufuma mu Egypto, nokuya ku-ku calo cabulayo, uko Lesa atile, "Muka Mpепа pali ulu lupili." Ico caali i Cebo cakwa Lesa. Mose alishibe ukuti aali nokuya kuli lulya ulupili. Amen. Lesa aililandile ico! Tapali Farao uwinka mwipaya. Tapali iciwa icinga mwipaya. Tapali icinga mwipaya. Aleisa kuli lulya lupili. Amen! Alleluya! Naumfwa uwabukapepa. Aleya kuli lulya ulupili.

¹⁰⁴ Eico tuli munshila yesu iyaku Bukata! Tapali icili nokutulesha. Iyo, mukwai. Lesa ali nokushininkisha i Cebo

Cakwe. Nshilesakamana ifikacitika, Ali nokucitefi, nangu cibe ifyo. Ee.

¹⁰⁵ Pamusebo wakwe, mukubomba incito yakwe. Apa ali, naikala pakati ka mpili shibili. Alakutika nokumfwā ukubuluma kunuma yakwe. Nicnshi ici? Amaceleta yakwa Farao, amakana, yaleisa; nayalongwapo ifyanso, ne mifwi ne fintu, ukuti yabapepeke nokubanyantaula. Paliba Bemba Wakashika, balimuputwile. Bushe nifinshi acitile? Aile mu... Afikile pakupelelwa. Abantu balepunda abati, "Oh, nomba twaba mubwafya. Farao alatwipaya, ulupanga lwakwe yalapita muli ifwe. Abana besu bali nokufwa mumatololo."

Mose alililile, "O mwe Lesa!"

¹⁰⁶ Kabili nomba Yesu aishile. Aali ni Ntumba ya Mulilo. Ico nacilungama. Aishile pansi kabili Akobeme pakati ka ena no busano. Ameni. Ena ni Shi-bukombe wesu. Ena e Wiminina-pakati, ameni, Ndubulwila wesu. Apo Aiminine, naiminina palya; imfifi kubena Egypto, abo abaleisa ukwesha ukucita cimo palico. Aali u Lubuuto kuli bema, ukwendelako. Nomba mulucelo lintu umwela watampile ukupupa namaka, muli ilya nshita yabushiku, nomba finshi Acitile? Alishile mumibele ya Ntumba ya Mulilo.

¹⁰⁷ Ibukisheni, Acili ilya Ntumba ya Mulilo. Ee, mukwai. Lintu Aali pesonde, Atile, "Nafuma kuli Lesa, kabili Ndeya kuli Lesa."

¹⁰⁸ Kabili panuma yamfwa Yakwe, ukushikwa, ukubuuka, kabili ukunina; Paulo Washila, pamusebo wakuya ku Damascus, apuminwe kuli ilya Ntumba ya Mulilo. Muleibukisha ukuti, aali mu Hebere. Nga talandile ici... Atile, "Shikulu, Nimwe Baani?" Icilembo icikalamba S-h-i-k-u-l-u, Elohim. "Nimwe Baani bantu Mpakasa?"

Atile, "Nine Yesu."

¹⁰⁹ Ameni! Alleluya! Ena Wantansi kabili Wakulekelesha. Acili cimo cine. "Pakashita akanono ne calo tacili na ku Mona, libe muli noku Mona. Nkaba na imwe, kabili namuli imwe." Imo ine Ntumba ya Mulilo, umo wine Lesa alecita cimo cine, nobulayo bumo bwine, ameni, alelenga i Cebo Cakwe ukulangishiwa. "Nine Kubuuka no Mweo. Nine Ena Uwali, Ena Uwaba, kabili Ena Uukesa." Ee, mukwai. Ee.

"Abafyashi besu balile manna mumatololo."

¹¹⁰ Atile, "Baaba, bonse, abafwa. Lelo, NABA EFYO NABA." Mose... Mucimpukusa icalepja, icaali NABA. Acili NABA, tekutila Nali; NABA, inshita yanomba, inshita yonse.

¹¹¹ Twasanga apa ukuti Mose aselela mucifutu ici, kabili Kristu naikila pansi. Nomba, kabili Baibele yatile ukuti, ukuti, "Mose acindikepo u—u kusekwa kwakwa Kristu ubunonshi ubukalambapo ukucila ifyuma fyamu Egypto." Ukusekwa kwakwa Kristu! Kristu ewali Ukusubwa, Logos iyaile kuli

Lesa. Malaika, onse kabelenga wa Baibele alishiba ukutila ulya Malaika aali ni Kristu. Kibili uko Aali mumatololo, kibili Aishile pancende, mumibele intu Aali nokulangishiwamo. Ubukata kuli Lesa!

¹¹² Aisa ileelo mumibele, Kristu umo wine, umo ukulangishiwa kwacitikilemo.

¹¹³ Alibebele ukutila Ali nokubafumya. Alecita ico. Palya Aishile nokwiminina ne Cebo Cakwe, uku Cishininkisha. Nomba panuma Aisa, nga fintu Acitile kuli Malita, elyo Aitile. Atile, "Mose, mulandunshi ulelilila kuli Ine? Landa kuli aba bantu, ukutila ena atwaliila ukuya." Muli ilya nshita yamfifi, Bemba Wakashika yaliswiike kibili balipitile, pabulendo bwabo ukuti bafikilishe i Cebo cakwa Lesa. Ee, panshita yafitisha iyakwa Mose, elintu Yesu aishile. Natukwata inshita nomba...Kibili Atile Mose.

¹¹⁴ Tulefwaya ukucebulu amatontonkanyo yabo ku muntu umbi umunono. Ishina lyakwe lyali ni Jairusi. Muli abengi nganshi mucalo ileelo. Aali uwacetekela mubumfisolo. Alitemenwe Yesu. Alumfwile pali Ena. Ali Mucetekele. Lelo, mwamona, aliyampenye kukabungwe. Ee. Ena—ena—ena—ena fye... Alifililwe ukufumamo nokucitumbula. Alicetekele, lelo alifililwe ukucitumbula, eico alyampene nabacatekela. Lelo alicetekele ici mucine.

¹¹⁵ Namwishiba, lintu umuntu aba muli uyo musango, limo limo Lesa alaleta ukuilanga. Caba munshita yakupelelwa lintu ifwe twalangisha amalangi yesu, fintu twaba.

¹¹⁶ Eico apa ena aali, aali uwayampanya pamo nabashacetekela, kibili alicilwiike kibili ukubika ishina pe buuku, kibili nafimbipo. Kibili aali ni shimapopo, kibili ena—ena alifililwefye ukutumbula, pantu ilyo lyali litikiti lyakwe ilyafyakulya. Eico, lelo ena acili alicetekele Yesu.

¹¹⁷ Ubushiku bumo, umwana wakwe umukashana umunono alilwele. Oh, owe. Ena, takuti ukutwishiwa umuntu, nga ena... nga filya, kuti baita dokota. Shing'anga alishile, amumona ulya umwana. Ipepo nomubili ukukaba fyaishile bipilako no kubipilako. Panuma yakashita akanono umubili waishilekaba, kibili nafyonse, ena aishilefika kukufwa. Afikile mukupelelwa. Alingile ukucitapo cimo. Ena—ena taishibefye nefyo engacita. Nomba atontonkenye, "Nga kuti Na Musanga, konse kuntu Ali." Nomba talolele mpaka bwaila, nga fintu Nikodemasi acitile, nokukwata ukwipushanya amepusho ukwamubumfisolo. Inshita yaali yakucitapo fimo, inshita yalifikile iyakucitapo cimo kibili alingile ukucitapo cimo nomba.

¹¹⁸ Kibili Ndetontonkanya, munyina, nkashi, cili cimo cine nomba. Inshita naifika iyakucitapo cimo. Inshita naifika iyakucetekela nangu ukukanacetekela. Umushilwa wakapatulula wisa ku mwaume onse no mwanakashi. Wisa ku

mwana onse. Limo limo nga wapita pali uyo mushilwa, palifye icintu cimo icishele, ubo bupingulo, nga wapita pakati ka luse nobupingushi, lintu wapita pali uyo mushilwa.

¹¹⁹ Muleibukisha, alifikile mukupelelwa. Taishibe ifyakucita. Apo paiminine bashimapepo, bonse bakafundisha nabeminina ukumushinguluka. Abamwisenge bali nankwe, konse kulya, baletamba umwana umwanakashi umunono alefwa. Dokota naiminina panse, nafunga namaboko yakwe, aleikampa amaboko aletila, "Nalimupela onse umuti untu Naishiba, kabilii nanomba..."

¹²⁰ Mwamona, caali ni Yesu alebomba inshita shonse. Yesu alecita ico kumulandu umo, ukuleta ilangi ukufuma muli ulya umulumendo umunono. Panuma yakashita, Ndемumona aya senda akasote kakwe akafiita nokukafwala, nokufwala ikoti lyakwe iyabushimapepo.

"Muleya kwisa?"

¹²¹ "Ndi... Nacumfwa ukuti Ali kwisamba kumumana. Nde Mukonka!" Oh, owe! Uyo wafuminepo!

¹²² Muli ilya nshita yakupelelwa, aali nokupanga ubusaloo: ukuleka umwana wakwe ukufwa, nangu alishibe ukuti uko kwali ukulangishiwa kwa Cebo. Aali ni shimapopo, kabilii alibelengele i Cebo, kabilii alishibe ukuti uko kwali ukulangisha kwakwa Lesa. Lesa aali muli Kristu, alewikisha isonde ku Mwine eka. Alishibe ukutila, kabilii bamupatikishe kuli uyo mulandu. Aali nokupanga icilubo, ukuleka umwana wakwe ukufwa, nangu ukupanga ukutumbula kwakwe. Lintu aingile muli kulya yakupelelwa, eyali inshita intu Yesu aishile isa. Alile muku Mumona. Atile—Atile, "Nalaya naiwe, conse ico walanda." Kabilii kunse pamusebo, uko kwaisa umuntu batumine, icafita palya. Alilandile, ukutila ali Mucetekele. Ali ifumishe kwisenge lilya, nokuibika umwine mucintu bwingi lilya, ukutila aai uwacetekela muli Yesu.

¹²³ Kabilii apa paisa umuntu batumine, atila, "Mwicusha nangu umo, pantu umwana obe umwanakashi nafwa kale. Afwile mailo. Nafwa kale. Mwicita ico, mwiangala neco nakabili."

¹²⁴ Kabilii, oh, umutima wakwe walileka ukubomba. Lelo aliloleshe nokumona ayo amenso yakwa Yesu, atile, "Bushe Nshakwebele iwe? Wisakamana, nga ulefwaya ukumona ubukata bwakwa Lesa. Finshi uletina? Ninkweba kale ukutila Ndeya."

¹²⁵ Alilanda kale ukutila Akesa. Alilanda kale ukutila Akacita ici, kabilii apa Alebicita. Amen. Alilandile ukutila Akema pancende munshiku shakulekesha nokucta ifi fintu nga fintu Acitile, nga fintu twabelengele mailo munshita ya bushiku nokulanda. Pano Alebicita. Finshi uletina?

¹²⁶ Namwibukisha, lintu Aishile, kibili Amwitile ukufuma kumfwa. Aishile pancende nokwisa mwita ukufuma kumfwa.

Umukalamba impofu Bartimaeusi, inshita imo, aumine munshita yakwe iyamfifi yatola.

¹²⁷ Yesu aali palya, apekenye umwikulo wa Bashi Makwebo wa Mwisulo wa Mbila kwisamba kulya kulya ku—ku Yeliko, kibili Ena na Zakeyo baali palya. Amukumenye mucimuti, palya pa musebo. Eico lintu Ena... Ukuba, Ena tengapekanya icintu cimbi, Ndeshininkisha. Mwamona? Eico nomba lintu Aishile palya, kibili Ali—Ali mukwete, Zakeyo aile Nankwe.

¹²⁸ Umukalamba impofu Bartmaeus aali impofu ukufuma inshita aali umulumendo umwaice. Nomba atontonkenye ukuti Yesu limbi kuti afuma pa mpongolo, kibili alelolela. Panuma yakashita akanono aumfwile icongo icingi, nabantu bonse baleisa.

¹²⁹ Kibili aumfwile shimapopo aletila, “Eeh! Eeh, imwe, imwe mwebalenina paculu apo! Bushe—bushe—bushe... Twacumfwa ukutila iwe ulemya abafwa. Natukwata imanda iyaisulafye beka beka pamulu palya. Nga cakuti uli Messiya, nga cakuti uli Messiya, isa pamulu pano nokubusha abafwa.”

¹³⁰ Namwishiha, iciwa cimo cine caliba nomweo, mwamona, mumibebe ya bukapepa, munshila imo ine. Mwamona?

¹³¹ “Nga niwe Messiya, ifwe... wimya abafwa; natukwata imanda iyaisulamo beka beka palya. Isa.” Kibili, oh, bonse balepunda. Umo alebilikisha, “Hosanna kuli Kasesema!” Umbi alebilikisha *ici, ico, nangu cimbi*. We cinfulunganya we!

¹³² Uyu umukalamba impofu umuntu atontonkenye ukuti, “Oh, Nali Mupushile. Esa kwisamba kulya, kibili Natontonkenye ukuti kuti Aisa kuno. Bambikile muncende yalubana.” Kibili atampile ukupunda. Atontonkenye ukuti, “Nga Ena Cebo, Ni Lesa; Afwile abefyo.” Eico, “O Yesu, We Mwana wakwa Davidi, kwata uluse pali ine!” Muli ilya nshita yakupelelwa, akutile.

¹³³ Nomba Yesu, nga kuti mwasopa ico, aali ku Yeliko. Uko batile aikele aikele, aali amayardi umwanda umo amakumi yasano na isano ukufuma apo Yesu aali. Namakana yabantu balepitana uku Mushinguluka, Ena nga taumfwile ukupunda kwa ulya mutntu. Iyo. Lelo Alicumfwile. Aishile imininina.

¹³⁴ Ndefwaya ukushimikila, imo inshita yabushiku pali: “Kibili Yesu aiminine.” Oh! “Kibili nomba Yesu aiminine.” Oh!

¹³⁵ Lelo ninshi Yesu aiminine, cali nicinshi? Alimwitile. “Shikulu naisa. Wiba uwanaka,” efyalandile abasambi, “Alekwita. Alekwita.” Amitile ukufuma muli lilya ibumba.

Acita cimo cine na nomba. Bushe fileumfwika? Mwamona?

¹³⁶ “Shikulu naisa kibili alekwita.” Kibili Amitile ukumufumya kubupofu ukuya ku lubuuto, kumfifi ukuya ku

lubuuto. Kibili Alimwita, ukufuma kumfwa ukuya ku Mweo. "Shikulu naisa kibili Alekwita." Kibili ninshi Amwitile, Amubweseshes ukumona.

¹³⁷ Namayo umunono no bwafya bwa mulopa, inshita imo, pamuulu pa cuulu, aliposele ndalamaka shakwe shonse, naba dokota. Ena, takuli ukutwishi, balishitishe i—i ibumba. Balishitishe i—i bala, balikongwele nendalamaka ukuti balishite lyena. Baposele shonse esho bakwete kuli ba shing'anga, tapali abamucitile icisuma. Ubumi bwakwe bwale bipilakofye. Umulopa tawaleleka. Inshita yonse, ukutwalilapofye, aile aleshika no kushika.

¹³⁸ Kibili ubushiku bumo, lintu aikele palya alepikula, pamulu waculu ukufuma pantu aleikala, aloleshe mumupokapoka, kibili amwene ubwato buleisa. Abantu bonse batampile ukubutuka, "Hossana kuli Kasesema!"

¹³⁹ Alyumfwilepo pali Ena. Icicetekelo cisa nokumfwa. Nomba atile, "Kanje pansi nokuya mu Mona."

¹⁴⁰ Kibili lintu aile kulya, nokumona i Cebo cakwa Lesa calangishiwa mumubili, kwaliko icintu cimo mukulanda Kwakwe ne mimonekele Yakwe, ifyalengele ukuti eshibe ukuti ni Wena. Ee, mukwai. "Oh, nga kuti Na Mongolia munshila imo, nga kuti Na Mwikata munshila imo!" Kibili akunkwile ukupita mwibumba nokwikata umwingila Wakwe.

¹⁴¹ Nomba ibukisheni, tacali kakumo kakwe kantu Aumfwile. Iyo, mukwai, pantu imingila yabena Pelishiti ilaseela. Kibili Ena...bena b....

Petelo atile, "Abantu bonse naba Kwikata."

¹⁴² Atile, "Lelo uku kwikata kwapusana. Nakutuluka ukuti amaka Yandi yapwa."

¹⁴³ Yesu alishile. Indalamaka shakwe shalipwile, fyonse fyalyipwile; lelo muli ilya nshita yamfifi lintu umulopa tawaleleka, kibili ba dokota bafililwe ukuulesha, Yesu aishile. Kibili finshi Acitile? Alimwitile. Alifwaile mpaka Amusanga, kibili Atile, "Walikwata ubwafya bwamulopa, lelo nauleka ukufuma."

¹⁴⁴ "Aba cimo cine mailo, ileelo, no muyayaya." "Shikulu naisa kibili Alekwita. Naisa kibili Naita." Amwitile ukumubwekesha ku bumi.

¹⁴⁵ Namayo umunono pacishima, uyo twalandilepo mailo munshita ya bushiku, isubilo lyonse lyalipwile. Limbi, nalimo umulume wakulenga busano alimushile, kibili elyo asendele uwakulenga mutanda bulya bushiku, kibili ena—ena alikweteko ukutwishi, panono pali ena. Ukulola kumibele iisuma, ena alipitile. Alefwaya ukuba namayo wacine; ena, takuli ukutwishi, alebelenga Baibebe.

¹⁴⁶ Kibili aleya kulya, aleya munshita ya eleveni koloko. Afililwe ukwisa kumaca lintu banamayo abalungami besa.

Kabili batapile amenshi nokubika pamitwe yabo, ne fitapo, nokubwekelamo. Kabili eico ena teti ese, nokusakana nabo. Bena, bena balikwete ukupatukana kwaifyo muli shilya nshiku, icalungama necalubana tacalesakanishiwa. Aba mibele iibi baleikala muncende yabo, eico taishile nabashala. Teti bamuleke ena ukwisa. Eico panuma bonse batapa amenshi yabo nokubwekelamo... Aishile kucawamishapo.

¹⁴⁷ Kabili nomba aishile palya necitapo pamutwe wakwe, teacakutwishiwa ukuti aleya, aletontonkanya, "Nomba, ulya mwaume uwa Ngupile, nangu, ulya naikalike mailo munshita yabushiku, Nde mutwishiwa. Mwaume, ifintu acita filapapusha. Nsha—Nsha ishibafye pali ena. Nshakwata inshita yayana. Balintamfwa ku bantu. Kabili teti Nje kuli yalya amachalichi, yena taya... Yaloleshenifye! Nshishibe ifyakucita. Nimpelelwa. Kabili Ndabelenga Baibele; mucine, ubushiku bumo ulya Kasesema ali nokwisa pancende. Nomba Nalishiba batila ukuti tapaba icintu caba ngefyo, kabili ifi efyo caba, 'Limbimyaka umwanda ukufumapo, kabili imyanda yamyaka kuntanshi. Twalicifwaya pa myaka amakana, kabili nanomba tacilacitika, eico tatulecifwaya nomba.' Efyo fili fyonse, 'Oh, iyo, twalikwata amachalichi ne fintu. Tatulekabila ifintu fyaba ngefyo nomba.'" Eico nomba aleya kulya, aletontonkanya.

¹⁴⁸ Namwishiwa, lintu mwatontonkanya pali Ena, enshita Amonekela kuli imwe. Nga fintu twakwete mailo ubushiku, lintu baali munshila yakuya ku Emmausi.

¹⁴⁹ Lintu atontonkenye pali ifyo fintu aishile umfwa u Muntu aletila, "Ndetelako Ine ayakunwa."

¹⁵⁰ Bushe ici cinshi? Munshita shakwe ishafitisha, lintu imibele yakwe iisuma yafumapo. Limbi namayo umunono umusuma, aposwa mumusebo ukwikala muli uyo musango. Limo limo taciba mulandu wa mukashana umunono, mulandu wabafyashi bakwe, ukumuleka alefumpo muli uyo musango. Kabili apo ena aali, limbi nemishishi yakwe iyapombana ilelebelia; aali napwa, aleenda, nanaka, kabili tapali ununtu nangu umo uwakwete ifyakucita nankwe, ulya mwana, limbi nelyashi ilikulu kunuma yaico.

¹⁵¹ Nangu cibe ifyo, Ninjishiba icintu cimo, ena alibelengele Baibele, kabili alicetekeli Baibele. Kabili mwali ulubuto ulunono ulwalambalele pansi mumutima wakwe, lwatila, "Nga ici cacitika, Ine nkacishiba." Alilingwe kabela kuli cilya.

¹⁵² Lolesheni kuli ulya Yudasi naiminina palya nokucita fintu acitile. Pansi wamutima wakwe paali apafita. U Lubuuto lwale bengeshima pamulu apa pamilimo yakwe, lelo pansi wa mutima wakwe tacetekele Ici. Kabili apa ena aali... Mwamona, u Lubuuto lwaafililwe ukufikapo pali ico. Lelo apa ena aali, acetekela, alicetekeli Ici, lelo umweo wakwe walifitikwe; lintu u Lubuuto lwaumine, Cena cafumishepo imfifi. Lelo lintu u

Lubuuto lwaumine pamuulu palya, Lwena lwalipafitike. Ubo ebupusano.

¹⁵³ Mwamona, emulandu afyalilwe. Ena—ena atile, lintu Amwebele impendwa yabalume akwete, ena... Finshi fyacitike? Aishileba nensansa. Aishileba namatontonkanyo. Atile, "Mukwai, Nakutuluka ukuti Imwe muli Kasesema. Nalishiba ukuti Messiya nga aisa, Akacita ifi fintu."

¹⁵⁴ Nomba Amwitile. Nomba Amwitile nokumweba. "Nine Ena, Uyo alelanda nobe." Aishile ishiba ici ku Cebo cakwa Lessa. Amwitile ukumufumya kumembu shakwe, ukumuleta ku Mweo. Kibili ishina lyakwe lyaliba muli Baibele, kibili aishilekwata u Mweo ushifwa ileelo.

¹⁵⁵ Kuti Amita munshila imo ine, pantu Aba cimo cine mailo, ileelo, no muyayaya. I...

¹⁵⁶ Ee, imibebe isuma yakwe yalifuminepo, lelo nalyo line alishibe ukutila Alikwete ukulingulula. Alishibe ukuti uyo ewali nokuba Messiya. Nomba lintu Yesu atile, "Nine Ena, Nine Ena," alishibe ukuti ifyo efyo caali.

¹⁵⁷ Inshita imo abasambi baali mubwato, isubilo lyonse lyalile. Imfula ya fipupu, bena baile ukwabula Yesu, kibili nenfula yafipupu, yalifye—yalifye nga fintu caali ku ng'anda yakwa Lazaro. Isubilo lyonse lyalipwile. Ubwato bwakale ubunono bwaliswilemo amenshi. Kibili balepunda nokulila, kibili limbi nokupepa nokutwalilila, kibili nenkuba ilebyasha, nobwato namwisula amenshi, ifimuti fyakubikako amatanga fyaliponene pansi, nkafi shalikontweke, kibili bali ikatilile cila umo nomunankwe, balelila.

¹⁵⁸ Kibili namunshita yamfifi yatola, elintu Yesu aishile. Lelo Amoneke kwati cinshingwa kuli bena. Amoneke uwakuleteshu umwenso, ngo mupashi, kibili balilile ku mwenso.

¹⁵⁹ Bulya ebwaba ubwafya ileelo. Yesu esa muli ora ya ora yafita yobe, kibili nautina Ici. Tawishibe Ici nga cinshi.

¹⁶⁰ Tabaishibe ifyo Ena aali. Batile, "Oh, wena mupashi!" Balepunda.

¹⁶¹ Kibili Alibetile, nokutila, "Mwitina iyo, ni Ne." Munshita yamfifi yatola, Yesu alesa, ukuba Ubwafwilisho bwabo. Ifyo enshila lyonse Acitilamo, ukwisa munshita yamfifi yatola. Elyo Yesu aishile nokuilangisha Umwine eka, kibili nokwisa kuli bena.

Petelo atile, "Nga cakuti Nimwe, njiteni nyende pamenshi."
Yesu atile, "Isa kuno."

¹⁶² Namwishiba, bacibus? Nomba line Ali nokwishila abo munshiku shino ishakushalikisha. Nomba, bushe tecakusungusha ukutila ichalichi nalingila munshita yamfifi yatola nakabili?

¹⁶³ Nalalandapo icintu cimo pano. Tesambilisho. Ndesesemafye. Bushe namwisha iba icacitika? Cena cikesafika pancende, nomba line, musunge ishiwi lyandi, ukutila ifilonganino fyonge fili nokwingila mu Cisaka ca Filonganino. Nga fyakana, fyena teti fipokeko ukutungililwa kwa Cisaka. Eico, kukaba ukukana kabilo takwakabe nangu umo uwakuya kuli aya amachalichi, nangu ukuya kuma chalichi ayali yonse; kanofye namukwata ululembo ukufuma ku chalichi cenu, teti mushite nangu ukushitisha. Mwamona cena cikabafye nga fintu caali, efyo cena cikaba nakabili, icishibilo caciswango. Kabili mu chalichi, bena baleiluka ico, abantu bamupashi.

¹⁶⁴ Kabili imwe mwebantu ba Pentecosti, nangu cingaba ifyo, namucishiba ico. Namutampa ukucumfwa cena. Lintu ama chalichi, utubungwe utwingi utwa ba Pentecosti; kabili Nshifwile ukumilumbula amashina yenu, lelo namwisha iba ukutila pali ino ine nshita bena ba—bena ba leisa kuli ico. Bena baliba bakambone kuli ico ukutila bali ifyo. Kabili lintu imwe mwacita ico, imwe muli nokucita cinshi? Muli nokulufya ukufundisha kwenu ukwa Kusabankanya kwa lubatisho lwa Mupashi wa Mushilo. Mufwile mwalufya isambilisho lyenu ilya Baibebe.

¹⁶⁵ Kabili ba membala tabakasumineko kuli ico. Abacine abafyalwa cipy-a-cipy aaben Kristu bakafwa, mukubalilapo. Bena basokwa ne Cebo. Balishiba ukuti ici cintu cileisa. Ee, mukwai.

¹⁶⁶ Kabili ico teceni? Kabili munshita ino iyamfifi yatola, elyo Yesu esa nokutwita, atile, “Mwitina. Ni Ne. Ncili naimwe. Ndipano ukulangisha i Cebo Candi.” Nga fintu Aali lilya, efyo Ali nomba. Atile Ali nokucita cilya. Oh, owe! Shikulu naisa nokutwita ukuti twise.

¹⁶⁷ Abengi abantu abalwele pano, tecakutwishika, ukutila nabekala pano, kabili dokota alimyeba ukuti takuli—takuli isubilo kuli imwe. Iwe limbi uli munshita yamfifi yatola, lelo, ibukisha, Shikulu naisa kabili nakwita ukuti wise.

¹⁶⁸ Kabili ubushiku bumo, ubushiku bumo, Shikulu ali nokwisa nokwita ishina lyonge ilyalembwa mwi Buuku lya Mpaanga ilya Mweo. Nga cakuti ayenu tayalipo, libikenipo palya nomba, pantu Ena akesa nokwita. Na bonse balya ababa munshishi bakomfwa Ishiwi Lyakwe nokwimina ku Mweo. Shikulu akesa nokukwita. Kabili ilyo Acili aleita ileelo, asuka nokuipekanya palwa bulya Bushiku, ekupanda kwa mano yandi kuli imwe.

¹⁶⁹ Ubulayo bwa ino nkulo, Alaya ukuti Akaba pano. Ifintu ifyo Acitile, Ali nokucita nakabili, kabili nomba nakabili Shikulu naisa kabili ukukwita ukuti wise.

¹⁷⁰ Natukontamike imitwe yesu. Ninkwata amabula mutanda ayashelepo pano, lelo Nsha—Nsha fikeko uku nomba.

Natukontamike imitwe yesu. Nacilaya ukumilekelako bwangu, kabiili ili kale amamineti ikumi limo na isano ukucilapo.

¹⁷¹ Taata mweba mu Myuulu, O Shikulu, lekeni cicitike nakabili. Fyonse ifintu ifyo Nandile ukutila, "Yesu naisa kabiili alekwita ukuti wise." Cinshi ico Acita lintu Aisa? Aleta. Kabiili lekeni cicitike nakabili, Shikulu. Lekeni Mupashi wa Mushilo Wenu ese pakati ka bantu munshita ino iyabushiku, Shikulu Yesu mumusango wa-wa Mupashi. Lekeni Ese munshita ino iyabushiku no kuisokolola Uwine eka, kabiili ukuilangisha Umwine eka. Nga balya bantu, ifyo bacetekele, naifwe twalacetekela, pamo, Shikulu. Pali abengi pano, limbi, abashakwatapo inshita. Twapepa ukuti Mwalacifikilisha cena kuli bena nakabili munshita ino iyabushiku. Pantu twaipusha ico kubukata bwakwa Lesa, mwi Shina lyakwa Yesu. Ameni.

¹⁷² Ico nacilungama, nkanshi, lelo twalililapofye neco. Ico cilifye bwino. Twalililapo naco. Oh, beni tondolo, bonse.

¹⁷³ Bushe namucetekela ukuti Naisa? Naisa. Acili Aleta ngacakuti Aisa? Nomba nga kuti mwacetekelafye. Nga cakuti mwacetekelafye i Cebo cakwa Lesa, Lesa ali nokufikilisha ici.

¹⁷⁴ Nomba lolesheni, Nshikwete inshita yakwita umulongo wabakupepelelwa pamulu pano. Ndeisa beta munshita yabushiku, kulya, nga cakuti Shikulu asuminisha. Shikulu naisa. Naisa mukufikilisha i Cebo Cakwe mubushiku bwakulekelesha. Kabiili Aali lilya, efyo Ali ileelo. Ifyo ukuilangisha Kwakwe nangu icishibili caali lilya, efyo caba ileelo, pantu Ena acili i Cebo cakwa Lesa. Bushe mulecetekela ico? Kabiili i Cebo cakwa Lesa ni Cikalingulula wa matontonkanyo, namapange yamutima. Kabiili munshila Acitilemo lilya, enshila lyonse Acitilemo. Aba cimo cine. Nga cakuti kuti Acita ico nomba line, bushe kuti mwa Mucetekela? Bushe kuti camilenga uku Mucetekela?

¹⁷⁵ Mwebantu bali uko nomba, lekeni ndoleshe mukabalilapo nga cakuti kuliko umo untu Naishiba, uwikele konse muno, untu Naishiba.

¹⁷⁶ Bonse abali muno, pamulu *pano*, abashanjishiba, mwimwyе amaboko yenu; namwishiba ukutila Nshaishibapo nangu cimo pali imwe, kabiili namulwala, imyeniko amaboko. Ndetunganya, nibonse. Cisuma, nomba, imwe cetekelenifye. Imwe cetekelenifye ne mitima yenu yonse. Mwitwishiaka. Cetekeleni. Cetekeleni Lesa.

¹⁷⁷ Nalamwipusha ukuti mube tondolo mucine cine, ikaleniko. Mwilapitana nomba, mukwai mwicita ico. Mwamona? Mwamona? Imwe muli u-u mweo, umubili, no mupashi. Kabiili umupashi wenu...Kabiili Mupashi wa Mushilo waliba uwakufumapo.

¹⁷⁸ Nibanga baleibukisha, imyaka iingi iyapitapo, ukuti Mupashi wa Mushilo, lintu Naishile pano nokumweba? Nga

Naikata abantu pakuboko, Anjebele ukuti ukulingulula kwa matontonkanyo kuli nokwisa, kabili uwfile watwalilila? Muleibukisha ico, muleibukisha ico? Lelo Atile, "Nga cakuti waleka abantu bakucetekela." Ibukisheni shilya nshiku, imyaka iingi iyapitapo? Mufwile mwacetekela.

¹⁷⁹ Nalimwene umuntu, Ndecetekela caali muno mwine mumusonkano umbi, aikele pano pene. Kabili Mupashi wa Mushilo... Nalemulolesha ilyo Naleshimikila. Aali uwalemana. Akwete inkonto pesamba ya maboko yakwe. Kabili lintu Natampile ukupanga ubwite, Satana aishile kuli ulya muntu, icinshingwa cafita. Kabili Nalicimwene namenso yandi. Alimine afuma nokuya. Ena lyonse akaba uwalemana, mwamona. Kabili, eico, ena, palya pene epo aali nokundapwa nga cakuti fye-fye... Mwamona? Lelo, Nshishibe umulandu. Ndeelenganya ena alyumfwile kumulwani. Lelo nga mwaiminina nokumona filya ifinshingwa, ukumona filya fintu mumibele, umusango fyabelamo, nokumona fyena ifyo fyacita. Mwamona, cena kuti caba...

¹⁸⁰ Nomba, Ine teti ngundape. Umuntu uyo wingakweba ukuti kuti akundapa, ena ninshi nalufyanya. Iwe walyundapwa kale. Lelo, cena kwishibafye u Kubapo kwakwa Yesu Kristu. Nomba nga Malita alishibe ukuti nga cakuti a Mumona nakabili, ukutila kuti apokelela ukukabila kwakwe, pantu Ena ewali i Cebo calangwa, bushe ifwe teti tucetekele ukufika apomunshita ino iyabushiku, ukucetekela cena? Icine cine, tufwile ukucita ico. Alisa. Alisa, Alisa mumibele ya Mupashi wa Mushilo. Ifyo Efyo Ena aba. Nomba mufwile mwapepa.

¹⁸¹ Mwamona, pamulu palya, nga Nalikwete umuntu umo naiminina pano, pano pene kulubali lwandi, ale-ale pepafye; mwamona, abantu abengi balepepa, cena cilifye monse mucikulwa. Uwfylefyne wacimona cena. Tekuti utile, "Njipusheko, Munyina Branham..." Iyo, mukwai. Ine—Ine teti ncicite, tekuti cicle pafyo iwe wingandotela iciloto. Mwamona? Limbi kuti iwe. Iwe, Lesa kuti akuleka wandota muciloto, wacetekela ico, lelo ucicite weka. Teti utile ukuti, ukuti, "Munyina Branham, Nalakulota muciloto nomba." Iyo, tekuti ucite ico. Nangu kuti Namona icimonwa. Onse uyo uwapela iciloto kuli iwe, uyo wine eumo uwingacita ico. Munshila imo ine cabelamo ne cimonwa.

¹⁸² Namona umuntu uwikele pano pampela yaumo mulongo, namolu ayafimba. Nga cakuti acetekela nomutima wakwe onse, Lesa alamundapa kukufimba kwamolu. Bushe namucetekela kuti Acita ico, mukwai? Naikala apo kulya, umuntu umwina Mexico, uwikele pampela yamulongo, bushe wacetekela ico? Cisuma, mukwai.

¹⁸³ Namayo uwikele mupepi naiwe, naena nakwata ukufimba kwamolu, pamo. Bushe wacetekela ukuti Lesa alakundapa iwe,

namayo? (Bushe *ici* cilebwesha amashiwi kuli cena? Ndeumfwa ukuti abantu tabaleumfwa.) Muleumfwa? Cisuma.

¹⁸⁴ Nga palwa uyo umbi umunono namayo umwina Mexico uwikele mupepi nankwe? Ena alelwala ubwafya bwamumala. Bushe wacetekela Lesa alakundapa ku bwafya bwa mumala yobe, namayo?

¹⁸⁵ Ena aleumfwa ico. Lintu Namona lulya u Lubuuto lwaikila, ico cilepilibula ukuti cena nacicitika. Ee. Ifyo efyo cili. Lwacimukumya. Ulo Lwaciba apo, luleenda luleshinguluka bwino bwino...[Pali tepu tapali mashiwi—Kale.]...efyo lwacita. Mwamona? Lintu Asanga icicetekelo! Mwamona, “Ifintu ifingi Taficitile kumulandu nokukana cetekela kwabo.”

¹⁸⁶ Pano pali namayo uwikele alepepa, pano pene. Naumfwa umwenso. Kuti aumfwa. Alikwata imibele yepwa londa, iyabipa nganshi. Nshakwishiba iwe, lelo Lesa alikwishiba. Bushe naucetekela Lesa kuti anjeba pa lwepwa londa ili, nangu icinti cimbi? Ndolesha. Kuli abengi kulya abalepepa, wamona, eco Ndelandila ico. Tuloleshe. Nomba, ee, taufumine muno ncende, muno temomobe. Ufumine kuncende itwa Poterville, ku California. Ico nacilungama. Bushe wacetekela Lesa alanjeba untu iwe waba? Alishiba. Ishina lyobe niwe Misisi Wintham. Ico nacilungama. Nomba cetekela, nepwa londa lyala fuma pali iwe. “Nga cakuti iwe wactekela.” Icofyre Lesa aleipusha kuli iwe ukucita. “Nga cakuti wacetekela.”

¹⁸⁷ Bushe iwe taucetekele nomutima obe onse? Umuntu umo kuli luno lubali *kuno*, bushe taucetekele? Shikulu naisa nokukwita iwe. Alekwita ukufuma kumfwa ukuya ku Mweo, ukufuma kukulwala ukuya kubumi.

¹⁸⁸ Palipo umwaume uwikele palya kunumako, nomutwe wakwe naubwelela pansi, alepepa. Ena icine cine taleipepela umwine, alepepelako umuntu umbi. Ena mu—mukashana. Mwana wakwe. Bushe namucetekela, mukwai? Iwe walikwata ubwafya namolu yobe. Walikwata ubwafya nekufi lyobe. Ico nacilungama. Tapali necakulila, uyo ni Ena euli palubali lobe. Umwana obe umwanakasho ali mucipatala, bushe teifyo? Bulwele bwacifuba ca ntandabwanga akwete. Naucetekela. Naucetekela? Shikulu naisa nokumwita ena. Bushe kuti wacetekela, pamo nga wishi? Walaciteco? Lekeni Amutandalile muli ino nshita yabushiku, naiwe pamo. Lekeni fipwe.

¹⁸⁹ Pano pali umulumendo umunono, umulumendo uwacinso icinono-icafitulukila. Alelwala ubulwele bapankanda, nokufwasa kwacifuba, umulumendo umunono umwina Mexico, umulumendo umwina Mexico uwikele palya. Tewakuno. Afuma ku San Jose. Bushe naucetekela, we mwana mwaume? Icintu cimbi, bawiso uli nabo pamo. Nibakapyunga. Ico nacilungama. Bushe naucetekela Lesa kuti anjeba ishina lyobe? Bushe ico kuti

cakulenga iwe ukucetekela apakalamba icine cine? Ishina lyobe niwe Reuben. Nomba cetekela. Um-hum. Lesa alakuposha.

¹⁹⁰ Shikulu naisa kibili Alekwita. Oh, we mubembu, oh, umuntu umulwele, taulemona Shikulu nalangishiwa mu bantunse, pakati kaba cetekela? Naisa mukwita abana Bakwe ku bumi ubusuma. Naisa mukwita umubembu ku kulapila. Uwabwelela kunuma, membala wamu chalichi, Shikulu naisa nokukwita.

¹⁹¹ Bushe namucetekela ico? Bushe namucetekela ico ukukonka nokukabila kwenu nomba line? Nga cakutila namukwata, imyeniko amaboko yenu, tileni, “Nincetekela pakukabila kwandi” Nomba imininikeniko pamakasa yenu nomba nokucipokelela. Shikulu naisa kibili alemita. Kibili naonse untu uli, nokukabila konse ukwete, Shikulu naisa kibili Alekwita. Ena acili cimo cine mailo, ileelo, no moyayaya.

¹⁹² Ulya namayo umunono uwaile mumusumba, kibili nokutila, “Iseni, mumone u Muntu Uunjebele ine icacilubana.” Iwe tawile mumusumba. Pakuti wingesa nokucimona, wemwine, eico Shikulu naisa nokukwita ukuti wise.

¹⁹³ Imyeniko amaboko yenu noku Mulumbanya, kibili nokutila, “Shikulu Yesu, Ndi mubembu; njeeleniko. Ine nalibwelela kunuma; mbuleni mbwesheni, Shikulu. Ndekabila Mupashi wa Mushilo; njisushenimo. Ndi mulwele; ngundapeni. Ndi cilema; mpangeni umutuntulu.” Shikulu naisa kibili alekwita ukuti wise. Imyeniko amaboko yenu nomba no ku Mulumbanya. Ameni.

¹⁹⁴ (Tupeleni apakutampila ukwimba pano, “Nala Mulumbanya, Nala Mulumbanya.” Namwishiba? *Nala Mulumbanya*. Namwishiba ico, teifyo fine?)

Bushe namucetekela?

Nala Mulumbanya, Nala Mulumbanya,
Oh, lumbanyeni i Mpaanga pakwipaiwa
pababembu;
Mupeni Ena ubukata, mwebantu bonse,
Pantu u Mulopa Wakwe walisamba
ukufumyapo amatoni.

¹⁹⁵ Mwali Mutemwa? Nomba tamutemenwe uku Mwimbila ilyo Ali pano? Ena Mupashi uuleendauka ukushinguluka ukupita mucikulwa. Naishiba imitima yesu, naishiba fyonse palwa imwe. Leken tu Mwimbile, nemitima yesu yonse.

Nala Mulumbanya . . .

Imyeniko amaboko yenu lintu mwacita ico.

Ndi . . .

Nomba Mulumbanyenifye.

...uku Mulumbanya,
 Oh, lumbanyeni i Mpaanga pakwipailwa pa
 mubembu;
 Oh, Mupeleni ubukata, mwebantu bonse,
 Pantu u Mulopa Wakwe walisamba
 ukufumyapo cila itoni.

¹⁹⁶ Oh, we namayo, weuli mumupando wamipeto, nga cakuti wacetekela panono ukucilapo apo pene.

Ine . . .

Lekeni twesheko ico nakabili. Ndelolela pacintu cimo.
 Nala Mulumbanya, Nala Mulumbanya,
 Oh, lumbanyeni i Mpaanga iyaipailwa
 pababembu;
 Mupeni Ena ubukata, mwebantu bonse,
 Pantu u Mulopa Wakwe walisamba
 ukufumyapo cila itoni.

¹⁹⁷ Nomba ilyo tuleimba ulo nakabili, pilibuka, wikate ukuboko kwa muntu umo, ilyo tuleimba ulo, imbeni, "Nala Mulumbanya." Aleni bonse, bonse capamo nomba.

Nala Mulumbanya, Nala Mulumbanya,
 Lumbanyeni i Mpaanga pakwipailwa
 pababembu;
 Mupeni Ena ubukata, mwebantu bonse,
 Pantu u Mulopa Wakwe walisamba
 ukufumyapo cila itoni.

¹⁹⁸ Oh, we mubembu cibus, bushe teti wende ukwisa pano nomba? Isa pano noku Mulumbanya, bonse mwebantu. Bonse mwebantu mwebalefwaya ukulanda ukuti Ena Mupusushi. Mu Kubapo Kwakwe, ilyo abashila balepepela mu Mupashi, bushe tekuti mwise kuno nokwiminina? Tileni, "Ndefwaya ukupela ubunte, muli ino nshita yabushiku. Ndefwaya uku Mupela amalumbo. Ndefwaya ukwisa. Nshile nensoni palwa Ena. Ndefwaya icalo ukwishiha ukutila Ni Mupokelela ngo Mupusushi wandi, pano penefye ilyo Ena alipo." Isa ilyo tuleimba lwena.

Nala Mulumbanya . . .

Tawaise?

. . . Nala Mulumbanya,
 Oh, lumbanyeni i Mpaanga pakwipailwa
 pababembu;
 Oh, mupeni Ena ubukata, mwebantu bonse,
 Pantu u Mulopa Wakwe walisamba
 ukufumyapo cila itoni.

¹⁹⁹ Oh, efyo cifwile ukuba, namayo, isa pano pene. Ninani umbi uwalaisa, Mukubapo kwakwa Kristu? Isa pano pene pamulu, nkashi, iminina apa.

²⁰⁰ Umuntu umbi uyo ulefwaya Ena ukuba Umupusushi obe, nomba line, uyo ushili nensoni. Atile, “Nga wa Mbela insoni pacinso cabantu, Nkakubela insoni pacinso cakwa Taata Wandi naba Malaika bamushilo.” Nga tau Mukwatile insoni nomba, kabilo ulefwaya ukuti Abe Umupusushi obe, ilyo Ali pano! Nau Mumona. Cena caaba icapwililika, i Cebo Palwaciko cipanga Ico ukwishesibikwa. Isa pamulu ilyo abashila balepepa nomba. Bushe tawaise pano pamulu?

²⁰¹ Lesa amipale, mukwai. Pano paisa namayo umukalamba, uulefika pamushinku wine wine. Bushe iwe tawaise nomba?

Nala . . .

Lwimbeni nomba.

. . . Nala lumbanya . . .

²⁰² Ico nacilungama, mwe misepela, iseni panopene. Mulelumbanyafye. Lesa akupale, namayo, uyo wine emusango wakucitilamo ico. Lesa amipale, mwebaice abanono.

. . . ukwipailwa ababembu;
Mupeni Ena ubukata, mwebantu bonse,
Pantu u Mulopa Wakwe walisamba
ukufumyapo cila itoni.

²⁰³ Ilyo bakapyunga baleya kuli aba bantu nomba bushe umuntu umbi tekuti ese? Uwabwelela kunuma, iwe isa, tila, “Ndi nensoni pabwikashi bwandi”? Uyu Ena pano. Namuncetekela ukuba umubomfi wakwa Lesa? Imyeniko amaboko yenu. Mulandunshi, Yesu Kristu ali pakati kesu. Bushe iwe tawaise?

Mupeni Ena ubukata . . .

Bushe tawaise, mupeni Ena ubukata?

. . . abantu,
Pantu u Mulopa Wakwe walisamba
ukufumyapo . . .

²⁰⁴ Malita, bushe uleisa, nangu uleikala mung’anda na Maria? Mwalaikala kulya mwali mutubungwe, nokutila, “Oh, ichalichi candi tacacetekela Ico muli iyo nshila,” lintu Kristu aba uwalandangwa? Walaikala nokulanda ico, nangu bushe walafuma? “Ukuba, Nalakweba, lintu Ine . . .” Iyo. Ileelo, ino enshita. Imfwia naikukobama ukukushinguluka, ngo mwana mwanakashi wakwa Jailo.

²⁰⁵ Isa nomba! We wabwelela kunuma, isa nomba. We mubembu, isa nomba. Ino enshita. Shikulu naisa kabilo Alekwita ukuti wise. Alekwita. Watila, “Bushe kuti Naishiba shani?” Alebomfyia ishiwi lyandi. Nga cakuti Abomfyia ishiwi lyandi ukulanda pamalwele, ifyakukalifya ne fintu, bushe tawishibe ukutila Ena aleita pamo nolubembu? Fuma! Isa nomba, ino limbi kuti yaba inshita yakulekelesha iyo iwe ukwete.

²⁰⁶ Nakabili, kuliko abengi muno abafwile ukwisa, bacibusa. Nshilefwaya ukumilenga insoni imwe, ukumita ngefi. Ico tacilungeme. Nga cakuti imwe inshita shimo shimo limbi... Bena aba Faliseo batontonkenye ukuti balipuswike, lelo tabapuswike. Imwe muletontonkanya icintu cimo cine. Iseni nomba.

²⁰⁷ Ube uwashininkisha! Wi, wisenadafye ulubali lumo pali ico. Nga cakuti muliko ukutwishika kunono mumano yobe, wilekelesha ino nshita. Isa kuno nomba. Nomba line enshita, nomba ilyo Akafukauka keswike, lintu Mupashi wa Mushilo ali pano. Shikulu naisa. Uko ukutwishika ukunono, eko Ena aleesha ukukweba iwe, ukuti, "Ule twishika." Kupele kufumepo. Isa kuno, nomba. Shikulu naisa kabili alekwita ukuti wise. Ico nacilungama, akwisenifye, konkanyenipo ukwisa.

Nala Mulumbanya, Nala Mulumbanya,
Bushe tamwaise noku Mulumbanya?

Lumbanyeni i Mpaanga pakwipailwa
pababembbu;
Mupeni Ena ubukata, mwebantu bonse,
Pantu u Mulopa Wakwe walisamba
ukufumyapo cila itoni.

²⁰⁸ Nomba ilyo ababembu baleisa, nokulanda ukuti wabo Ena; lekeni abantu ba Mupele ukulumbanya, ilyo tuleimba ulo nomba. Imyeniko amaboko yenu, imbeni ukumulumbanya Ena, nomba, bonse capamo.

Nala Mulumbanya, Nala Mulumbanya,
Lumbanyeni i Mpaanga pakwipailwa
pababembu!

²⁰⁹ Mupenifye Ena ukulumbanya! Mwebantu abashingulwike pano, pepeni, Mwipusheni ukumyelela. Ifyo efyo Alacita. Shikulu naisa kabili alekwita. Lesa amipale.



ELYO YESU AISHILE NO KWITA BEM64-0213

(Then Jesus Came And Called)

Iyi Mbila na Munyina William Marrion Branham yaletelwe intendekelo mu Cingeleshi pali Cine mucungulo, mu Kabengele kakalamba pa 13, 1964, pa Elliott Auditorium mu Tulare, California, U.S.A., yafumishiwa muli tape iyambulwa kabilis nalilembwa ukwabulo ukulundamo mu Cingeleshi. Uku ukwilula kwa mu Cibemba kwa lembelwe no kupelwa na ba Voice Of God Recordings.

BEMBA

©2021 VGR, ALL RIGHTS RESERVED

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

www.branham.org

Icishibisho ukufuma ku mwine kalemba

Insambu shonse tashisuminishiwe. Ili buku kuti ly a lembwa pali pulinta yapa ng'anda ku kubomfy a kwa muntu pa lwakwe nangu ukupela, ukwabula amalipilo, nge cipe caku sabankanya Imbila nsuma iya kwa Yesu Kristu. Ili buku tekuti lishitishiwe, ukulembululwamo ayengi, ukubikwa pa mwela, ukusungila muli ba mashini, ukwalula mu ndimi shimbi, nangu ukuli bomfy a ku kulomba indalam a ukwabula insambu shalembwa na ba Voice Of God Recordings®.

Nga mulefwaya ukwishesibilapo nafimbi nangu ukufwaya na fimb iifyabapo, twalomba tumeni kuli ba:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org